



UNIVERSITÄTS-  
BIBLIOTHEK  
PADERBORN

**M. Antonij Maioragij|| Orationes|| Et Praefa-||tiones**

**Majoragio, Marcantonio**

**Monasterii VWestphal., 1599**

**VD16 ZV 10313**

Amplissimis, et Illvstriss. Viris, Sfondratisfratribus, Nicolao Cremonae  
Episcopo, Senatori Regio Mediolani, & Paulo, Riperiæ Comiti, Vallis Afsinæ  
Baroni, Squadrar. & Montis Introtii Domino, ...

---

[urn:nbn:de:hbz:466:1-68843](https://nbn-resolving.org/urn:nbn:de:hbz:466:1-68843)



AMPLISSIMIS,

ET ILLUSTRIS. VIRIS,

Sfondratis fratribus,

NICOLA O CREMONAE

Episcopo, Senatori Regio Mediolani, & Pau-

lo, Riperiæ Comiti, Vallis Afsinæ Baroni,

Squadrar. & Montis Introtij Domino, Sena-

tori Regio Mediolani, Philippi Austrij

Hisp. Regis apud Sabaudia Du-

cem Legato,

Ioan. Petrus Ayroldus

Marcellinus S. P. D.



*Sæpe & multum hoc mecum ipse cogitavi, Viri Clarissimi; quo pacto fieri posset, ut pro singularibus vestris in me meritis, animi mei acceptorum memoris aliquod saltem darem indicium. Sed tantam virium mearum imbecillitatem esse intelligebam; ut non modò non referre, sed ne agere quidem gratias pro dignitate, magnitudineq; vestrorum in me beneficiorum unquam me posse considerem. Ex hac cogitatione nõ mediocrem, mihi credite, molestiam capiebã:*  
cum

P R A E F A T I O.

cum ecce Deus opt. Max. per Primum Comitem hominem summa probitate, & singulari doctrina praestantem, non aspernamdam occasionem insperanti mihi nuper obtulit; per quam putabam aliquod grati mei in vos animi signum dari posse. Is enim, nutu Dei immortalis, nuper mihi credidit amitini sui M. Antonij Maioragij, viri eloquentissimi, Orationes & Praefationes omnes: quas, quibus mihi videretur, inscriberem & dicerem: mox imprimendas curarem, & diulgarem. Illud autem munus tanto gratius mihi fuit, quanto vobis duob. dignius esse statim mihi visum est: quod hac aetate, qui dicendi gravitate, copia, suavitate orationis vobis duobus comparari, non modo anteferi possit, intelligebam esse neminem. Verum non solam tamen dicendi facultatem in vobis esse constat; sed etiam, quae unicum est omnis bene dicendi artis fundamentum, integritatem atque innocentiam, cum singulari omnium maximarum virtutum cognitione coniunctam. Quod ita esse, facilius credet omnis, quicumque, quibus parentibus sitis prognati, diligenter perpenderit: qui secum recordatus fuerit summas atque incre-

P R A E F A T I O.

*incredibileis virtutes nunquam inter mo-  
 ritur & gloria viri, patris vestri, propè diui-  
 ni hominis, Francisci Sfondrati. Hic enim  
 primum Senatus Mediolanensis magnū de-  
 cus atq; ornamentū fuit; deinde cum abij-  
 set ad Superos Anna Vicecomes, Antonij il-  
 lius magni viri, Lonati Comitum nostrorum  
 Ducū legati, filia, mater vestra, fœmina pri-  
 maria, omni laude, qua matrona cumulari  
 possit, multis partib. maior: hic idem nō sine  
 magna virtutis suæ admiratione, quæ sepi-  
 ūs enituit & eluxit in legationib. sapienter  
 glorioseq; gestis, & cū magna bonorum ora-  
 nium approbatione, & applausu in Cardina-  
 lium Collegium cooptatus est. His reb. pater-  
 nis, addo etiam maternis, ad imitationem  
 tibi, reuerendissime Nicolae, propositis, &  
 splendore familiae, toties per virtutē maio-  
 rū illustrata, non mirū est, si Cremona pluri-  
 mum felicitatis se adeptam fuisse fateatur;  
 cum te Pastorem consecuta sit, ea bonitate  
 & vitæ sanctitate virum; vt nō solum mo-  
 nitis, sed etiam multò magis exemplo, ad  
 rectam vitæ rationem tā honesta & nobi-  
 lis ciuitas inuitetur. Nec minus felicitatis  
 obtinuit Mandellum, patria mea charissi-  
 ma,*

ma,

P R A E F A T I O.

ma, per te Paule, vir omni genere virtutum praestantissime: qui semper integritatem vitae cum sanctitate morum coniunxisti; vir alioqui in omni genere elegantissimus, & omnibus numeris absolutissimus. Quid? quod ad cumulatissimam eiusdem oppidi felicitatem accessit modestia, humanitas, singularis prudentia uxoris tuae, lectissimae feminae, Sigismundae Estensis? ex qua tres liberos suscepisti; qui sunt ijs moribus, institutione, doctrina, dignitate, ut digni sint talibus ac tantis parentibus, patruo, ac maioribus: nec iam vulgaribus appellationibus nominentur, sed unus Comitibus honore, alter Abbatis sacerdotio, tertius Equestribus ornamentis honestetur. Quae omnia vestrae domus ornamenta praecipua in unum virtutis scopum conspirant; & cum aliorum omnium, tum praecipue subditorum vestrorum salutem, incolumitatem, animi tranquillitatem spectant. Atque hoc quidem vestrum iuuandi generis humani incredibile studiū ego quoque pro mea erga vos obseruantia non semel, neque paruo cum meo commodo sensi: idemque Casari patri meo, cum magno familiae nostrae ornamento

P R A E F A T I O.

mento experiri antea contigit. His non le-  
 uibus aut paruis virtutum vestrarum do-  
 cumentis, non in Italia solum inter Alpium  
 claustra & maris septa, sed ubiq; gentium  
 cognitum effectum est; ut Philippus Austrius,  
 Hispaniarum Rex potentissimus, & reliqui  
 orbis Christiani Principes pleriq; omnes vos  
 ament, plurimi faciant, & complectantur.  
 Sed iam me reprimo; ne videar mihi propo-  
 sisse, ut vestras laudes omnes, quas ne in-  
 gentis quidem voluminis amplitudo com-  
 de capere posset, huius epistolae angustia com-  
 plecterer. Ego verò quidquid de diuinis &  
 veris laudibus vestris leuiter attigi, ortum  
 adeo ex Maior aq; Oratiorum & Praefatio-  
 num dicatione; illud, & dicationem ipsam  
 ad testificandam meam erga vos obseruan-  
 tiam, & ad eiusdem Operis commendatio-  
 nem iure optimo pertinere velim. Peto igitur  
 ab humanitate vestra, amplissimi Viri,  
 quam in vobis unà cum ceteris virtutibus  
 omnibus scio esse singularem; ut grato bene-  
 uolq; animo meam in vos obseruantiam,  
 unà cū Opere ipso vobis cōsecrato, amplectamini.  
 Quod si (quemadmodum spero, & con-  
 fido) à vobis factum fuerit: & ego erga vos  
 taleis ac tantos viros, de me potissimum &  
 )?( de

P R A E F A T I O.

*de patre meo optimè meritos, non omnino  
ingratus videbor; & nouum hoc ipsum o-  
pus, quod nunc primùm in lucem prodit,  
clarissimi nominis vestri splendore illustra-  
tum, lectõribus multò gratius est fu-  
turum. Valete. Venetijs; Idi-  
bus Aprilis, Anno*

CIC. IC. LXXXII.



Cata-